

Quia verò in unoquoque textu multa sunt que ob temporis angustiam tractari non possunt omnia simul, aliis omissis præcipua tractentur.

Eodem modo reliquæ Concionis partes tractentur.

Conclusio constet, 1, Repetitione partium, quod fiat breuiter: 2, Adhortatione, qua stimulum relinquat in animis auditorum: 3, Consolatione, &c.

Hæc de generali tractatione textus alicuius, eiusque modo, satis; specialia ita breuiter tractari non possunt.



TRACTATUS
DE INTERPRETATIONE
ECCLESIASTICA,
D. GEORGII SOHNII.

ECCLESIASTICVM genus interpretationis est, quod in templo ad populum prudenter & ornatè tractatur, ad mouendos & flectendos auditorum animos comparatum. Ergo omnium ordinum homines, & omnis generis auditores, literatos & illiteratos, senes & iuuenes, mares & fœminas admittit; imò aduocat in minister verbi, seu ecclesiastes, seu cõcionator, pro loci, h. e. pagi vel ciuitatis, in qua cõstitutus est, conditione. Scripturam his exponet prudenter & ornatè: ad quã rem præcepta Rhetorum nõnihil adiumenti afferunt. Etsi .n. dicendi facultas est Dei donũ in cõcionatore, tamẽ iudicio & consilio constat, nec aspernatur sobriam industriam.